

مجموعه سنون

از

جمعیت علمیه عثمانیه

ایکینسی پنه

نومرو ۱۹

رجب

استانبول

جمعیت علمیه عثمانیه مطبعه سنده طبع اولنمشدر

۱۲۸۰

وملكيك كسب ايدہ جي اميتدن طولاي دولت ومنتجہ فوائد
 كليہ حصولہ کلوب عندالايجاب تفصيلاتي کوستر مکہ مقتدر
 اولد يغمز وجهله مثلاً بشيوز ليرا بها تخمين اولنان برماک موقوف
 ايچون محلول سيغور طهسي رسمي اوله رق اوقاف نظارتی
 ستوي يالکز بر ليرا اله جق اولد يغي حالده اليوم محمولات
 فروختندن اوقافه عائد اولان مقدار اسيفاولندقدن صکره
 هيچ ازلرايسه برملبون ليرا تمتع ايدہ جي بي اشباهدر . مبلغ مذکور
 هر نقدر کلي کورينور ايسه ده چونکه اداسي اختياري اولوب
 املاک موقوفه صاحبي رسم مذکورک اعطاسيله اراضيسني املاک
 تحویل و بوجوهله فوائد کليہ تحصيل ايدہ جکندن رسم مذکور
 ججه طرفندن بالمخويه ويرلسي امر طبعيدر . اشبو سيغور طه
 اصولی اجرا اولند يغي حالده املاک قيمتده حصوله کله جک
 ترقی به نظرأ فرانسه وانکترده املاکک رايحي اساس اتخاذ ايله
 حساب اولنور ايسه الی سنه و بلکه دهها آن وقت طرفنده اشبو
 رسم اختياريدن حاصل اوله جق مبلغ اليوم فرانسه ده وانکترده
 اراضی ويرکوسندن حصوله کلان مقداره مساوی اوله ييله جي
 ماء ولد .

(الکساندر قره طودوري)

(قدمای ملوک مصریه تاریخی) (مابعدنومرو ۱۰)

پسامتيك

پسامتيك عساكر يونانيه ك اولوجهله وقوعولان امداد واعانه زينه

مکافه کند و زینته مصرده اراضی اعطا و اجانبک مصره دخول
و خروجنک منعی حقنده مؤسس اولان اصولی قدیمه بی رفع
والغایلدی .

اول اثناده بغداد طرفنده واقع بالمرسان حکومتی بریه الشامی
ضبط و تسخیر ایدوب بورا سیله مصر بیننده کائن ارض فلسطینک
قبحی طرفه عائد اولمسی اقتضا ایده جکی کبفقی مصریون ایه
حکومت مذکوره بیننده منجج حرب و قتال ارله رق پسماتیک
محل مذکور ی ضبط و اسنلا ایتش و طرف مخالفده قالان ازوت
شهرینی دخی المواقچون یکرمی طقوز سنه متوالیا محاصره ایشدر .
متعاقباً سیت نامیه مشهور قره دکن سوا حلی اهابسی اسیا
قطعه سنک برحقو محلی فنع و تخریب ایدرک مصر حدودینه قدر
کلوب بورا سنک دخی بعض یرلرینی ضبط و غارت ایتدکرنده
پسماتیک مقاومت ایده میه جکینی درک و تیقن ایتسیله بونلری
بعض اهدا یا ایلله اقناع و اعاده و بوضورتله کیدو مضر تلرندن
تغایص کر بیان ایلدی .

نیخادو

نیخادو مدت حکومتی امور عسکریه و ملکیه جده اصلاحات اجرا سنه
حصر ایلدیکی مثلاً و صورت اعتدالده حسن اداره یه موفق
اولدینی جهتله کسب اشتهار ایلدی و ببحر احردن ارسال ایلدیکی
دونامه افریقا قطعه سنی امید برونندن طولاشه رق سپته بو غازندن
مصره عودت و نیلدن ببحر احره برجدول کشادیه برلشدیرلمسینی مراد
ایتدیکندن بواشده مستخدم عمله دن یوز یکرمی بیک آدم تلف
اولمشیکنینه حصول مطلب قابل اوله ماه شیدی . حکمدارده مشارالیه

باباستان دولتک غرور واستکباردن دلکیر ارله رق فرات نهري
 اوزرينه عسکر سوق ايتش ايسده ارايرده بولسان بنی اسرائيل
 ملکي يوسباس کندوسيله اتفاهه وممالکندن عسکر امرارينه
 راضی اولديغندن ماجدونام محلهه ينلرنده محاربه عظيمه
 وقوعيله عسکر يهود مغلوب وملکری دخی مقتول اولدقدن
 صکره نينخادوبابستان اردوسی ايله حرب ايدب بعض مملکتلرينی
 ضبط وتسخير ايلدی . اول ائنده يهوديلر نينخادودن بلا اسليدن
 زمام حکومتلرينی يواقاس نام ذاته تسليم ايلدکری ملک مشارا اليهک
 مسموعی اولدقدن مذکوره يواقاسی نرينه جلب ودر زنجير ايدرك
 مصره اعزام ايلدی وکندوسی اورادن قدس شريفه کيسدوب
 يواقاسک اوغلی يواخمي تخت حکومته اقامه ومملکتی سنوی
 يوز تالان آتون ويرکويه ربط ايتدکدنصکره مصره عودت
 ايدوب اشبو امور جسمهک کافه سنی اوج ماهده اجرا ايتشدن .
 متعاقباً سريانيان ملکي بولسان نابولوسار مشهور بخت
 نصر ايله اتفاق ومصريونک کندولرندن ضبط ايلدکری ممالکی
 وفلسطین ايلانی استرداد ايتشیدی . بوائنده نينخادو وفات
 ويرينه پساهيس نام اوغلی تخت حکومته جلوس ايتش
 ونينخادونک مدت حکومتی اون آلتی سنه متمادولشدر .

پساهيس

پساهيس ميلاددن آلتی يوز سنه اول زمام حکومتی اله آلوب
 حبش طرفه عسکر سوق ايلش ايسده شوشينک کیفیت ونتيجه سی
 معلوم دکلدن . مشاراليه درایت وشجاعته متصف اولوب مدت
 حکومتی آلتی سنه متمادولش وونائنده اوغلی اوفرايرينه بکمشدر .

اوفر

اوفر میلاددن بشیوز طقسان درت سنه مقدم جالس صندالی
 حکومت اولوب ابتدای امرده بریه الشام طرفه عسکر سوبله
 وقوعبولان محارباته مجرد کندو شجاعت و بسالتی ثمره سی
 اوله رق برچوق مخلصاری قح و تسخیر ایش ایسه ده مصره عودتنده
 مقدمه خطه مذکوره نك جانب غریبسنده توطن ایدوب مصر
 تبعینده بولنش اولان مهاجرین یونانیه حقنده بعض معاملات
 ظلمه یه ایتدار ایلکله مهاجرین مذکوره رفع لواای عصیان و اوزرلینه
 سوق اولنان عسکر ایله محاربه و آنره غلبه ایتدیلر ۱۰ اما سبس
 نام ذاتک زیر اداره سنده اوله رق تکرار برارد و کوندردلکده
 گروه عصات سرکرده مرقومی جلب واقناع ایله کندولرینه
 حکمدار نصب ایلدیلر . بونک اوزرینه اوفر ادیکر برسر کرده بی
 مرقوم اما سبسک اخذ و تسکینه مأمور ایش ایسه ده موفق
 اوله مدیغندن مجازاة بونک بروننی و قولاقلرینی کسید یرمش اولمقله
 اهالی و عسکر حکمدارلرینک بو ظلمدن دلکیر اوله رق جله سی
 برلشوب مشار الیهی خلع و مصرک برطرفه نی ایتدیلر .
 بو ائشاده بابلستان حکمداری صاحبقران مشهور بنخت نصر
 بریه الشامی کاملاً ضبط و تسخیر و صور و قدس شریفی دخی
 اخذ و تخریب ایله یهودیلری جله اسیر ایش و بوجه محرر مصرده
 دا خلا محاربه و اختلال اولدیغنی استماع و بونی وسیله اتخاذایدرک
 الکای مذکور اوزرینه کیدوب مدت قلیله ده کاملاً مصری دخی
 اسیرلا و پک چوق سفک دما ایلدی . خطه نفیسه مذکوره شو

• مصائب متوالیه د نناشی اول درجه خراب اولمشیدیکه قرق سنه صکره
بیله آثار مکدره سی رونما ایدی و بابا استانه عودت ایتکسزین
مصری ویرکویه ر بطووالیکنی بالاده ذکر اولنان اما سبسسه احاله
ایلدی . حکمدار سابق او فرا اولوقته قدر بر محله اختفا ایتش
اولدیغی حالده مؤخرأ بر طاقم یونانی و اجانب سائر دن مرکب
براردو ترتیبیله مذکور اما سبس علیه قیام ایتش ایسه ده متفیس
شهری قریبنده طوبالوب سابس نام شهرده کائن سراینده
قتل و اعدام اولمشدر .

آماسبس

بالاده بیان اولندیغی اوزره آماسبس والیک عنوانیله اجرای
حکومت ایتکده ایکن بخت نصردن صکره ایران شاهلی بولنان
مشهور کیخمر و باباستان و آسیا قطعه سنک ممالک سائر سنی
حر با آورده قبضه تسخیر ایلدی . آماسبس ایرانلونا شو غوائل
ائناسنده عصیان ایدرک تحصیل استقلال ایتش و حسن اداره
مملکتده موفق اولدیغندن اکنساب شان و شهرت ایلشیدی .
مشار الیه علم و معرفت و حاضر جوابلقه مشهور اولوب هنکام
حکومتده حکمای یونانیه دن فیثاغورس و سولون مصره
کله رک کندوسیه ملاقات ایتشلردر . ابتدای حکومتده
کندوسنک ملوک خاندانندن اولوب فرومایکاندن اولدیغندن
طولانی بعض کسانک کندوسنی استخفاف ایتدکلی معنوی
اولدقده بوکاناز کانه بر جواب اریق اوزره ایاقلرینی ییقادیغی آلتوندن
مصنوع برلکنی بوزدیروب آندن بر پت اعمال ایتدیره رک بر عبادتگاهه
وضع ایلدی . اهالی کلوب اشبوتیه رسنیش ایلدکلر نده بولک اصلی اولان

لکنده کند و سنک ایاغنی یقادیغنی اعلان ایتدیردی . بوندن اهایلی
متنبه اوله رق بعد ازین مشار الیهک ذات و مقامنه لایق اولان
تعظیم و حرمتده قصور ایتدیلر . حکمدار مشار الیهک انشا ایتدیردیکی
معابد جسمیه دن بریسی یکریمی ارشون طولنده و اون درت ارشون
عرضنده و سکر ارشون ارتفاعنده اوله رق یکپاره طاشدن او یولمش
ایلدی . معبد مذکور الیوم صالحجر اسمیه معروف قریه نک محانده واقع
سالف الذکر سالیس نام شهرده ایلدی . حکمدار مشار الیه قبرس
اطه سنی دخی قمع واسنیلا ایلوب ضمیمه ممالک مصریه ایلدی .
زمان سلطنتی قرق درت سنه ممد اولوب وفاتنده اوغلی پسامنت
پرینه جلوس ایشدیر .

پسامنت

پسامنت مدت حکومتی الی ماهدن عبارت اولوب بوندن
صکره ایران شاهلی یونان مؤرخلرینک قامیس تسمیه ایلدکلی
مشهور کیتباد جسیم بر اردو ایله مصره عزیمت و اول امرده
اهالیسنی اطاعته دعوت ایتک اوزره بر ایلچی ارسال ایدوب مصر لولر
بو ایلچی پی قتل و اعدام ایتدکلرنده حکمدار مشار الیه زیاده سیله
منفعل اوله رق مصری حرباً ضبط واسنیلا و حکمداری بولان مشار الیه
پسامنتی دخی اخذ و گرفت ایلدی . مشار الیه در زنجیر اوله رق
بر محله طرد اولغی اوزره توقیف قلنش اولدیغی حالده و کلا و کبراسنک
قریزی اسیر قیافتنده کمال حقارتله پیشگاهندن امرار اولندقدنه
و کلا و کبرای مومی الیهم بوحالندن فوق الغایه مکدر اولوب فریاد
و فغانه باشلا مشلر ایشدهده پسامنت اصلاً متأثر اولمدقدن بشقه

اول طرفه عطف نگاه شفقت دخی ایما مش اولدیغی مثالو اوغلی
اصیلزادگان مملکتدن ایکی ییک آدم ایله اغزلرنده لجام و باشلرنده
اسب باشلیغی اولدیغی حالده کذاک اوکندن یکور یله رک قتل اولنان
ایران سفیرینک اغورینه قربان اولمق اوزره اعدام اولندقلرنده
بوندن دخی قطعاً صورت تکدر کوسرما مشدر . بعده احباسندن
بررسی ینه بر صورت تحقیق یده اوکندن یکورلدکده اولوقت
اظهار حزن و تأثر ایلدی . کی قباد شاه شو حالدن متعجب اوله رق
سببی سؤال ایتدیردکده فاملیاسنک دوچار اولدیغی حال
پرملالدن حاصل اولان فرط حزن و تأسف موجب انسلاب شعور
اولدیغندن کندوسنه حیرت الویروب فقط احبابنک حالی اولدرجه ده
تأثیر ایتماسیله تکدر درونی رونمون اولدیغی جوابی ویرمشدر . کی قباد
معاملات مشروحه پی پسامنبته جزای کافی عدایدرک اول امرده
قتلندن عفو ایلمش ایشه ده اخذ انتقام داعیه سننده اولدیغی استماع
ایتدیکندن مؤخرأ اعدام ایتدیرمشدر . ایرانیلر حکمدار مملکت
ووکلا و کبراسی حقنده اولوجهله مغایر شیئه انسانیت اشوری
مرتبه ظلم و اذاروا کوردکن بشقه مملکتی تخریب و قوانین جاریه سنی
پایمال و عادات و اعتقادات دینیه لرینی تزییف ایتمش اولملریله
اهالی بلده زیاده دلکیر اوله رق زیده بیان اولسنه جنی وجهله
اسکندر بن فیلبوس زمانه قدر ایرانیان حکمو منته اطاعت
ایتموب رفع لوای عصیاندن خالی اولما مشلردر .

(محمد جمیل)

(خلیل)

سفیر پارس

سفیر پترسبورغ